



EN RUTA POR MEAÑO (Meaño)

DATOS XERAIS: Hotel Ría Mar

ACCESOS: <https://maps.app.goo.gl/t3HbZpJwJQMEkhKa8>

ENDEREZO: Aldea Altamira 9, 36967, Meaño (Pontevedra).
Teléfono: 986 746 020

| QUENDA | DATAS | ANOS NACEMENTO | DESCRICIÓN DAS ACTIVIDADES |
|--------|-----------------|----------------|---|
| 1 | 17-21 de agosto | 14-15-16-17 | <p>Actividades educativas e medioambientais: visita á Telleira dos Seixiños, Ruta dos muiños. Actividades náuticas: surf, paddle surf, caiac, mergullo. Actividades deportivas: balonman praia, petanca, busca do tesouro, orientación. Outras actividades: xogos de presentación e veladas nocturnas.</p> <p><i>As actividades poderán sufrir modificacións en función das condicións meteorolóxicas.</i></p> <p>NOTA: Para participar neste campamento é necesario saber nadar.</p> |

NORMAS XERAIS:

1. As persoas participantes estarán atendidas permanentemente por persoal titulado e especializado na organización e no desenvolvemento das actividades de tempo libre.
2. Ningunha persoa participante poderá abandonar o centro sen autorización expresa do/a director/a da actividade, e sempre acompañado por un **adulto autorizado (algunha das persoas proxenitoras, titoras ou acolledoras que figuren na solicitude, ou persoa debidamente autorizada por quen figure nela como representante)**; no caso de non poder estar presente este, a persoa que efectúe a recollida deberá achegar a fotocopia do DNI de quen autoriza (persoa que asinou os papeis de inscrición) e do autorizado, así como o impreso de autorización que lles será facilitado o día da recepción.
3. **Prégase non facer visitas de non ser necesario**, co fin de non interferir no desenvolvemento das actividades e limitar ao mínimo imprescindible a entrada de persoas alleas á instalación.
4. **Horario de chamadas:** no momento da recepción o equipo de monitorado comunicarlles ás familias os días en que se poderá contactar cos/coas menores (cun mínimo de 3 días durante a quenda) e o horario para as chamadas. Nese horario, os/as rapaces/zas disporán dos seus móbiles se os traen ou ben as familias poderán chamar ao/á menor nos teléfonos indicados na reunión de recepción. Tamén se permitirán as chamadas fóra do horario sinalado por causa xustificada.



5. As persoas participantes deberán levar o **DNI** e as **tarxetas sanitarias orixinais** (ou seguro médico, MUFACE ou similar, e o talonario de receitas).

O día da incorporación deberánse comunicar ao persoal técnico da actividade os medicamentos, en caso de tratamento específico, que estean a tomar; así como as alerxias, doenzas, ou calquera outra incidencia que se considere de interese.

6. Recoméndase que non leven obxectos de valor, nin grandes sumas de diñeiro.

Prevese a organización dun banco de cartos e móbiles onde os participantes poderán depositar os seus cartos e tamén os teléfonos, (recoméndase poñer un adhesivo co seu nome tanto no teléfono coma no cargador e, no caso de ser necesario, unha lista cos números de teléfono e o PIN, se non se sabe de memoria). Os teléfonos entregaranse apagados.

7. Recoméndase levar a roupa marcada coas iniciais.

8. Nesta web, no apartado "Documentación para presentar (fase de adxudicación)" están dispoñibles os modelos de documentos: declaración sobre a autorización de imaxes (anexo IV), modelo de autorización para recollida do/a menor e outra información de interese. En canto ao cuestionario de saúde e autonomía persoal e declaración de saber nadar (anexo III), este formulario soamente pode ser cuberto en liña (sede electrónica, carpeta cidadá) accedendo ao seu expediente e elixindo a acción "Documentación complementaria para a adxudicación".

INCORPORACIÓN E RECOLLIDA DAS PERSOAS PARTICIPANTES

- A **incorporación** realizarase o **día do inicio da quenda correspondente**, entre as **18.00 e as 19.00 horas** no Hotel Ría Mar, Meaño (Pontevedra).

Para comunicar calquera incidencia en relación coa incorporación poden contactar co teléfono **722 528 083** durante os **tres días anteriores á incorporación** ao campamento.

- O día de **remate da quenda**, a **recollida das persoas participantes** deberá facerse **entre as 16:00 e as 17.00 horas** na mesma instalación.

MATERIAL NECESARIO

A equipaxe **débese preparar coa axuda do/a menor** para asegurarse de que recoñece toda a roupa que leva e evitar extravíos. **Tanto a roupa como outras pertenzas** (toallas, móbil e cargador, se é o caso, etc.) **deben ir marcadas** (por exemplo, coas iniciais do nome e apelidos cun rotulador permanente).

- Toallas de aseo e de praia
- Bolsa para a roupa sucia. Non se poderá lavar ningún tipo de prenda na instalación.
- Útiles de aseo persoal
- Crema protectora solar
- Traxes de baño, licra ou neopreno (se o teñen)
- Sombreiro, gorra ou viseira
- Roupa deportiva e cómoda e roupa de abrigo
- Calzado cómodo para camiñar
- Chancletas
- Roupa interior suficiente para todos os días da quenda
- Pixamas



- Chuvasqueiro
- Mochila pequena de asa ancha para saídas
- Cantimplora

MATERIAL RECOMENDABLE

A maiores, é aconsellable levar:

- Sandalias pechadas con velcro
- Repelente para os mosquitos
- Calzado deportivo que sirva en caso de choiva
- Lanterna ou frontal
- Bolígrafo e caderno